

## QUÆSTIO MEDICA.

Quodlibetariis disputationibus manè discutienda in Scholis Medicorum die Jovis quarta Decembris.

M. PAULO COURTOIS, Doctore Medico, &amp; Professore Regio, Præfide.

*Extantne quæ vocant specifica medicamenta certarum ægrotationum, partiumque propria, certarum labes?*

**M**EDICAMENTORUM nec unus est ordo, nec ætas, nec ratio una. Hujus nominis ambitu continentur, & quæ tantummodò immutant, & quæ ab excrementis liberant corpus. Hæcque aut quarumvis fordium ejectionem promovent, aut quod oneri est, nonnisi vomitu, vel dejectione abigunt: aut tergendò, molliendo, &c. alvum solvunt: aut odiosâ, virosâ, etiam venenatâ vi nunc clementer, nunc validius, nunc effrenatè lacessendo Naturam adigunt ad germanam purgationem. Gradusque in illis multi. Coæva quidem elementis omnia. At non illico doctrinâ eminentibus cognita. Olim, ut erat simplex è simplici victu valetudo, erat & Medicina (integris vix necessaria) paucarum herbarum; uti nunc paucorum hominum scientia, ad Naturæ normam directâ. Simul atque pars magna mortalium in interperantiam se effudit, crevit cum morbis medicamentorum numerus, operosâque compositio; cæpit & arti quidquid orbis capit includi, artificibus quæstum, noménque venantibus. Ceu nempe non sufficerent, forderèntve explorata illa, facilè & sine fūco paranda, quæ supinâ terrâ edita nullo leguntur impendio: nihil non ex hujus visceribus, altòque mari quantumvis obrutum eruit ferior ætas. Indèque turba folisium igne multo vexandorum, tristi fere exitu. Hinc ejectionis, cupiditæ, venenisque additum.

**A**CCESSERE ludificationes Veteratorum sua jactantium arcana remedia morbo isti elidendo, huiusque firmandæ parti unice, ut aiunt, comparata; quibus inescati homines plerique nobiles, & à torrente abrepti. Et hoc in luto hæsitanti creati unâ horâ medicelli complures, vulgi levitate spectati, non artis prudentiâ, quâ non mediocri eget excussurus eorum quæ nos mutant, & à nobis mutantur, discrimina omnia. Quippe alia notis viribus, latentibus aliqua; ambabus agunt reliqua. Pervulgatis, quæ nihil aliud quàm immutant. Occultis venena, & medicamenta manifestâ qualitate carentia. Utrique medicamina apertè calida, viventisque dissimilia alimenta. Patiuntur verò simillima. Et è potestibus additis ortæ ab eo quo res quævis est (cui & semper affixæ) totam comitantur speciem: ita Lupum fugit Ovis quælibet, nulla non torpedo, si qua, stupefacit. Secus aliæ, interdum fugaces, quæ si non ab utero, à propria sunt uniuscujusque temperie, & materiæ apparatu; Ejusmodi alii, rosæ, cascæ, felis odium, quod paucos tenet homines. Atque his, illæ ab humana cognitione remotiores.

**R**ES esse quasdam totâ substantiâ, nobis amicas, inimicas; in multisque residere potentiam, cujus natura, probabilius conjici, quàm perspicere queat, vix ulli ab usque primis sæculis sapientes negarunt; At nonnullis inesse singularem partis unius juvandæ, malique profigandæ, Epilepsiæ, v. g. exterminandæ, calculi obtinendi, & similibus facultatem, ii soli affirmarunt, qui necdum sapientie fores pulsarant. Optanda res Medico, nullâ methodo, nullâ dextro illarum usu opus habituro, ægrotumque omnem suâ semper in valetudine exempturo: quod absurdissimum ratio, sensusque patitur, res objectas internoscunt, illis parcitura; has ubi, & ut collibuerit, adoritura. Quanquam propinquas prius atque efficacius, quàm longè distitas impetunt. Hoc tam evidens in igne, quæcunque circumstant invadente, vorante; quisquis pharmacis à viventis calore ad opus perductis insitum abnuir, vecors est. Hepatica igitur, stomachica, splenica, &c. malè sustinent, quod à partibus, quibus prodesse feruntur, nomen adeptæ sunt.

**F**AC quæ moderatè calent, incidunt, tergent, ac stringunt, vera sunt ob eam rem hepatica, quod sic temperata, vasa jecoris obsepta expediant, temperiem foveant, suâque, ceu fabulantur, adstrictione corroborent; quidquàm ne obflare potest, ne & ipsismet qualitatibus reliquum corpus imbuunt: Sint quæ ventriculū recreent, & hæc velis nolis cor, jecur, cerebrum recreabunt. Equidem hæc indurat, illa liquefacit. Veluti cibi, licet ex iis aliqui parènt, alii strenuè alant; illisque ossa, nervi, his carnes lætiùs adoleſcant; omnes tamen viventi sunt admodum utiles: sic quorumvis hominum jecoribus utcumque temperatis conveniens pharmacum, non potest non etiam conferre ventriculo, reliquisque corporis ejusdem partibus. Nisi placet à jecore haud malè habito magis temperatione dissidere ventriculū, quàm ab invicem jecora diversorum hominum.

**N**EC medicamenta existunt ulla uni tantum corporis parti amica; nec uni soli insensa aliqua. Statim atque hæc ventris calore soluta sunt; quas in sinu gerunt noxiæ vires quoquoque emittunt. Neque in hanc, quia inimicior, quàm in illam atrocius sæviunt, sed quoniam ad ipsam sinceriora perveniunt, ipsæ diutius adhærescunt; vel quod illa magis injuriæ pateat. Neque ad eam quam à partibus attrahuntur. Virtutem hæc omnes obtinent, quâ succum sibi familiarem alliciant, & quæ molesta sunt, à se propellant: non quâ proleſcant, sibi aliqui perniciem constaturæ. Fidei non minus extorquet sumptum à rebus documentum. Quas fortè citabis cantharides, adeo voratè vesicam, quàm certè quidem discindunt, non solam dilacerant; ut morte, aut diris ab ore ad anum ulceribus pleſcant. Vel exterius admotæ, cutem deripiunt. Etiamne perâ & manu detentæ cruentum lotium coicant? Somnium planè ludicrum. Sitne par ratio cæterorum, si quis aliquantulum dubitat, periclitetur.

*Non igitur extant quæ vocant specifica medicamenta certarum ægrotationum, partiumque propria, certarum labes.*

## DOMINI DOCTORES DISPUTATURI.

M. Ioannes-Baptista-Renatus Moreau, Professor Regius.  
M. Nicolaus Pelletier, Chirurgiæ Professor.  
M. Renatus le Comte.

M. Franciscus Afforty.  
M. Nicolaus de Sauvigni.  
M. Germanus Preaux.

M. Guillelmus Petit serenissimi Delphini Principis primarius Medicus.  
M. Rolandus Merlet.  
M. Claudius Perraut.



Proponebat Lutetiæ PHILIPPUS DOUTE, Parisinus Baccalaureus Medicus. A. R. S. H. 1687.